



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Capitulare secundum ejusdem anni.

urn:nbn:de:hbz:466:1-19366

feramus, ut dignum est. Vbi autem aliquid malum esse credimus, sic ad emendandum omne studio & voluntate certamen habeamus ut cum Dei adjutorio hoc ad emendationem perducamus, & ad nostram aeternam mercedem & omnium fidelium nostrorum. Similiter & de Comitibus vel Centenariis ministerialibus nostris inter nos omnia supradicta nosse cupimus feliciter.

Admonitio de symbolo fidei.

XLI. Audite, fratres dilectissimi, pro salute vestra hunc Missum ut ammoneamus vos quomodo secundum Deum iuste & bene vivatis, & hoc secundum cum iustitia & cum misericordia conversemur. Ammonemus vos in primis ut credatis unum

Deum Patrem omnipotentem & Filium & Spiritum sanctum. Hic est unus Deus & verus, perfecta Trinitas, & vera unitas. Deus, creator omnium bonorum nostrorum. Credite filium Dei pro salute mundi hominem factum, natum de Spiritu sancto & Virgine Maria. Credite quod pro nostra salute mortem passus est, & tertia die surrexit a mortuis, ascendit in caelo, sedet ad dexteram Dei. Credite eum venturum ad iudicandos vivos & mortuos, & tunc reddet unicuique secundum opera sua. Credite unam Ecclesiam, id est, congregationem bonorum hominum per totum orbem terrae. Et scitote quia illi soli salvi esse poterunt & illi soli ad regnum Dei pertinent qui in istius Ecclesiae sedis & communionis & caritate perseverant.

CAPITVLARE SECVNDVM ANNI DCCCII.

S I V E

ALIA CAPITVLA

DATA MISSIS DOMINICIS EODEM ANNO.

Nunc primum edita ex duobus antiquis codicibus manuscriptis, uno Palatino bibliotheca Vaticanae, altero sancti Vincentij Metensis.

ITEM CAPITVLA KAROLI IMPERATORIS MAGNI.

- | | |
|--|---|
| <p>I. DE fidelitate iurandum ut omnes reponant.</p> <p>II. De Episcopis & reliquis sacerdotibus, si secundum canonicam institutionem vivant, & si canones bene intellegant & adimpleant.</p> <p>III. De Abbatibus, utrum secundum regulam an canonicè vivant, & si regulam aut canones bene intellegant.</p> <p>IV. De monasteriis virorum ubi monachi sunt, si secundum regulam vivant, ubi promissa est.</p> <p>V. De monasteriis puellarum, utrum secundum regulam an canonicè vivant, & de claustris earum.</p> <p>VI. De legibus mundanis.</p> <p>VII. De perjuriis.</p> | <p>VIII. De homicidiis.</p> <p>IX. De adulteris & inlicitis causis perpetratis tam per episcopos & monasteria virorum & puellarum quamque inter seculares homines.</p> <p>X. De illis hominibus qui nostra beneficia habent destructa & alodes eorum restitutos. Similiter & de rebus Ecclesiarum.</p> <p>XI. De illis Saxonibus qui beneficia nostra in Francia habent, quomodo aut qualiter habeant condicte.</p> <p>XII. De oppressione liberorum hominum pauperum qui in exercitu ire debent, & a iudicibus sunt oppressi.</p> <p>XIII. Ut omnes preparati sint bene, quancumque nostra iussio venerit.</p> |
|--|---|

XIV. De navigiis preparandis circa littora maris.

XV. De liberis hominibus qui circa maritima loca habitant, si nuntius venerit ut ad succurrendum debeant venire, & hoc neglexerint, unusquisque solidos viginti componat, medietatem in dominico, medietatem ad populum. Si ictus fuerit, solidos quindecim componat ad populum, & fredo dominico.

XVI. De legationibus ad nos venientibus, & de Missis à nobis directis.

XVII. De his quos volumus ut pacem habeant & defensionem per regna Christo propitio nostra.

XVIII. De illis hominibus qui justitiam nostram adnuntiantes occisi sunt.

XIX. De decimis & nonis atque justitia Ecclesiarum Dei, ut omnes dare & emendare studeant.

XX. De banno Domni Imperatoris Karoli, quod per semetipsum consuetus est bannire, id est, de mundoburdo Ecclesiarum & viduarum & orphanorum &

minus potentium, atque derapto, & de exercitali placito instituto, ut hi qui ista iruperint, bannum dominicum omnimodis componant.

XXI. Ut omnes habeant bonos Vice-dominos & Advocatos.

XXII. Ut diligenter inquirent inter Episcopos, Abbates, sive Comites, vel Abbatissas, atque Vassos nostros, qualem concordiam & amicitiam ad invicem habeant per singula ministeria, aut si aliqua discordia inter ipsos esse videtur, & omnem veritatem in eorum sacramento nobis exinde renuntiare non negligant.

XXIII. De omni re insuper totum undecunque necesse fuerit, tam de justitiis nostris, quamque justitiis Ecclesiarum Dei, viduarum, orphanorum, pupillorum, & ceterorum hominum inquirent & perficiant. Et quodcunque ad emendandum invenerint emendare studeant in quantum melius potuerint. Et quod per se emendare non potuerint, in presentiam nostram adduci faciant.

DE LOCIS VBI MISSI ESSE DEBENT.

IN primis de Aurelianensē civitate ad Segonnam quomodo rectum est, deinde ad Treca cum Tricassino toto, inde ad Lingonis, de Lingonis ad Biffancion in villam partis Burgundia, inde verò ad Augustidunum, postea ad Ligerem usque ad Aurelianus, sunt Missi Magni Archiepiscopus & Godefridus Comes.

In Parisiaco, Melciano, Melidunensi, Provenensi, Stampini, Carnotini, Pinciacini, Fardulfus & Stephanus. In Cenomanico, Hoxonensi, Livino, Bajocassino, Constantino, Abrincatino, Ebreicino, & Madricini, & de illa parte Sequanae, Rodomeni, Magenardus Episcopus & Madelgaudus.

SACRAMENTALE PROMISSIONIS FACTÆ IMPERATORI.

Sacramentale qualiter promitto ego quòd ab isto die in antea fidelis sum Domino Karolo piissimo Imperatori filio Pippini Regis & Berthanae Reginae pura mente absque fraude & malo ingenio de mea parte ad suam partem, & ad honorem regni sui, sicut per dictum debet esse

homo domino suo. Si me adjuvet Deus & ista sanctorum patrocinia, quae in hoc loco sunt, quia diebus vitae meae per meam voluntatem, in quantum mihi Deus intellectum dederit, sic attendam & consentiam.

ITEM ALIVD.

Sacramentale qualiter repromitto ego Domino Karolo piissimo Imperatori filio Pippini Regis & Berthanae fidelis sum sicut homo per dictum debet esse domino suo, ad suum regnum, & ad suum rectum. Et illud sacramentum quod juratum ha-

beo custodiam & custodire volo, in quantum ego scio & intellego, ab isto die in antea. Si me adjuvet Deus, qui caelum & terram creavit, & ista sanctorum patrocinia.

